



**Här Claude Wiseler**  
President vun der Chamber

Lëtzebuerg, den 2. Oktober 2024

Här President,

Esou wéi d'Chambersreglement et virgesäit, bieden ech lech, dës parlamentaresch Fro iwwert **d'Zukunft vun den nationale Servicer vun der Caritas** un den Här Familljeminister weiderzeleeden.

Am Kontext vun der Caritas-Affär huet d'Regierung an de lëschte Woche reegelméisseg op Nofro hin ennerstrach datt keng national konventionéiert Servicer vun der Caritas zu Lëtzebuerg agestallt géife ginn. Eis ass allerdéngs zu Ouere komm datt ënnert anerem am Inklusiounszentrum *Centre Oasis* zu Woltz all Kueren déi vu Freelancer offréiert goufe, bis op Weideres annulléiert goufen. De *Centre Oasis* setzt sech besonnesch fir de sozialen Zesummenhalt an der Gesellschaft an d'Integratioun an, an offréiert soziokulturell a pädagogesch Aktivitéiten, ewéi zum Beispill Sproochekueren a Formatiounen. Den Zentrum, deen et säit méi wei 20 Joer gëtt a bis haut 7.500 Leit mat 73 verschiddenen Nationalitéiten empfaangen huet, riicht sech virun allem un d'Bierger.innen am Norde vum Land a schafft mat Acteuren, ewéi de Gemengen oder Schoulen, zesummen.

An dësem Kontext erlaben ech mer et folgend Froen un den Här Minister ze stellen :

- 1. Kann den Här Minister bestätegen datt d'Servicer vum *Centre Oasis* déi bis dato vu Freelancer assuréiert goufen agestallt goufen? Wa jo, gedenkt den Här Minister hei anzegräifen an d'Weiderféiere vun dëse wichtege Servicer fir den Zesummenhalt an d'Integratioun an eiser Gesellschaft z'assurieren?**
- 2. Ginn et nach aner Servicer am Land déi betraff sinn an och agestallt goufen oder wäerte ginn, obwuel et sech em national konventionéiert Servicer handelt?**

Mat déiwem Respekt,

**Djuna BERNARD**  
Deputéiert